

Oh, tge bel è Panama

Il davos disc cumpact da la retscha Top Kids

■ (rtr) Panama, quai sto bain esser il pajais dals siemis. Perquai sa mettan il pitschen tigher ed il pitschen urs a la tschertga da Panama. En il nov e davos disc da la seria Top Kids da Radiotelevisiun Svizra Rumantscha (RTR) e da la Lia Rumantscha (LR) vai per vesair l'agen dachasa or d'ina altra perspectiva.

Il nov Top Kids vol. 23

Karin Kohler, coeditura (Lia Rumantscha) e Claudia Cathomen, producenta (RTR) han edi ils ultims onns la seria da Top Kids.

Il pitschen tigher ed il pitschen urs èn buns amis. Els n'han tema da nagut perquai ch'els èn ferms sco in urs e sco in tigher. Els vivan ensemen en ina chasetta cumadaivla sper in flum. In bel di chat-ta il pitschen tigher ina chista da lain cun scrit si «Panama». La chista savura da bananas. Perquai ch'els han gugent bananas decidan l'urs ed il tigher dad ir a tschertgar Panama. Quai sto bain es-



Karin Kohler, coeditura (Lia Rumantscha) e Claudia Cathomen, producenta (RTR) han edi ils ultims onns la seria da Top Kids. FOTOS MAD

ser il pajais da lur siemis. L'istorgia pussibilitescha als dus protagonistas da vesair lur agen dachasa or d'ina nova perspectiva. Pir ord la distanza realiseschan els che lur dachasa è pli bel che quai ch'el para da manivel. U ditg cun auters plects: Il tigher e l'urs vivan gia en il paradisi, ma n'han simplamain betg anc savì quai.

Scrit l'istorgia ha Horst Eckert, alias Janosch. Janosch è in illustratur, autor da cudeschs d'uffants e scrivent tudestg. Oh, tge bel è Panama (tudestg: Oh, wie schön ist Panama) è vegnì undrà cun il premi da cudeschs per giuvenils tudestg. El è cumparì il 1978. Il disc cumpact Top Kids vol. 23 «Oh, tge bel è Panama» è il davos da questa retscha. L'entira seria da

Top Kids vol. 1–23 pon ins retrair tar RTR e tar la LR.

Il disc cumpact pon ins cumprar per 19.50 francs tar:
Radiotelevisiun Svizra Rumantscha, 081 255 75 75, www.minisguard.rtr.ch
Lia Rumantscha, Cuir, 081 258 32 22, www.liarumantscha.ch
tut las librerias che vendan products rumantschs



Il nov Top Kids vol. 23.